

# Aningaasarsianit akileraarutit pillugit inatsisartut inatsisaata allannguutissaatut inatsit

Inatsisartut inatsisaanni nr. 5 19. maj 1979-imeersumi, kingullermik inatsisartut inatsisaatigut nr. 3 5. juni 1986-imeersutigut allanngortinneqarsimasukkut, makku allannguutigineqassapput:

## § 1.

### 1. Nutaatut § 25 B-tut ivertinneqassaaq:

"Pappiaqqat nalillit il.il. § 14, imm. 2 - 3-mi taaneqartut pigisallu, akileraartussaasup inuussutissarsiummigut pissarsiarisimasai atorsimasaaluunniit imaluunniit iluanaarniarnermigut pissarsiarisimasai, takuuk § 24, nr. 2, kingusinnerpaamik tunineqarsimasutut isigineqassapput § 1 imaluunniit § 2, imm. 1 naapertorlugu akileraartussaannerup taamaatinnerani.

*Imm. 2.* Immikkoortoq 1 naapertorlugu tunineqarneranni akiusutut isigineqassaaq akileraartussaannerup taamaatinnerani nalinginnaasumik niuernerminingalut.

### 2. § 30 ima allanngortinneqassaaq:

"Iluaaarutinit akileraarutit unerartinneqassapput. § 70-imiit § 73-imut aalajangersakkat naapertorlugit.

### 3. § 70, *imm. 1*-imi oqaaseqatigiit siulliit ima allanngortinneqassapput:

"Piginneqatigiiffimmi aktieselskabimi aktietigut iluaaarutit, tamatumani ilanngullugit piginneqatigiiffimmi anpart.sselskabimi, Kalaallit Nunaanniittutut nalunaarsorneqarsimasumi iluaaarutit., tunniunneqarnissaasa imaluunniit pisassanngortinneqarnissaasa aalajangiunneqarnerisigut tamatigut, piginneqatigiiffup kommunemini akileraarfimmini, takuuk § 33, akileraarusiissut tamaat, takukkit § 27-imiit § 29-imut., qaammatisiutit malillugit. ukiumi iluaaarutisiffimmi, unerartittassavaa."

### 4. § 82, *imm. 4* ima allanngortinneqassaaq:

"Iluaaarutisianit akileraarutit landskassep, kommunep akileraarfiup kommunellu pisassavaat imm. 1-imiit 3-mut. aalajangersakkat naapertorlugit."

### 5. § 119, *imm. 2, nr. 1 aamma 2* ima allanngortinneqassapput.:

"*Imm. 2.* Danmark-imik, Savalimmiunik naalagaaffinnilluunniit allanik isumaqatigiissuteqaqatigiitsillugu Naalakkersuisut aalajangersakkanik makkunannga aalajangersaasassapput,

1) qallunaat, savalimmiormiut imaluunniit naalagaaffup allap pineqartup akileraarusiineranni, akitsuusiineranni akiligassiinerannilu atugassanik Kalaallit. Nunaanni oqartussaasut paasissutissanik piniarlutillu paasissutissiisarnissaannik,

2) akileraarutit, akitsuutit akiligassallu, Danmark-imi, Savalimmiuni naalagaaffimmiiluunniit allami pineqartumi piniarneqartut, tassanilu akilersinniarneqarsinnaasut Kalaallit Nunaanni akilersinniarneqarnissaannik, Kalaallit Nunaanni akileraarutininik akitsuutinik akiligassanillu akiliisitsiniartarnermi maleruagassat naapertorlugit".

**§ 2.**

Inatsisartut inatsisaat ingerlaannaq atuutilissaaq.

*Imm. 2. §1, nr. 2, 3 aamma 4 1. januar 1989-imiit atuutilissapput.*

*Namminersornerullutik Oqartussat oktoberip 17-iat 1988*

Jonathan Motzfeldt

/

Emil Abelsen

**Namminersorlutik Oqartussat**

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut